

中秋月

一年一度中秋夜十度中秋九度陰
求滿直須當夜半要明仍
候到天心無雲照處情非淺
不睡觀詩意更深徒愛古人詩句
好何堪千里共如今

和李文思早秋

五首錄一

一雨洗觚稜三川氣象清
林風傳顛氣木葉送商聲
忽忽蓮生的看看菊吐英
太平時裏老何以報虛生

堯夫何所有

堯夫何所有一色得天和
夏住長生洞冬居安樂窩
鸞花供放適風月助吟哦
竊料人間樂無如我最多

道藏輯要

擊壤集

三

四星集七

長憶乍能言

長憶乍能言朝遊父母前方行
初下腰既老遂華顛在昔四五
歲于今六十年却看兒女戲
又喜又潸然

獨坐吟

天告自丁甯人多不肯聽
四時皆有景萬物豈無情
禍福眼前事是非身後名
誰能事閑氣浪與世人爭

又

天意自分明人多不肯行
鸞花春乍暖風月雨初晴
靜坐澄思慮閑吟樂性情
誰能事閑氣浪與世人爭

意未萌于心

意未萌于心言未出諸口神莫得而窺人莫得而咎君子貴慎
獨上不愧屋漏人神亦吾心口自處其後

老翁吟

幡然一老翁凡百事皆慵舊物不盡記故人難得逢幽花渾在
霧殘夢半隨風只且願天下時和與歲豐

道裝吟

道家儀用此衣巾只拜星辰不拜人何故堯夫須用拜安知人
不是星辰

道家儀用此巾衣師外曾聞更拜誰何故堯夫須用拜安知人
不是吾師

道藏輯要

擊壤集

言 四星集七

安車塵尾道衣裝里閑過從乃是常聞說洞天多似此吾鄉殊
不異仙鄉

如知道只在人心造化工夫自可尋若說衣巾便爲道堯夫何
者敢披襟

再用晴牕氣暖墨花春謝王勝之諫議惠金雀硯

硯名金雀世難偷用報慚無天下珍國士有詩偏雅處晴牕氣
暖墨花春

題范忠獻公眞

范邵居洛陽希夷居華山陳邵爲邑人忠獻爲顯官邵在范之
後陳在范之前三人貌相類兩人名相連